

Timor-Leste Ministry of Finance

KOMUNIKADU IMPRENSA – DOT Fulan Marsu 2018.

MINISTÉRIU PLANU NO FINANSAS HAHU DISTRIBUI DOTASAUN ORSAMENTAIS TEMPORARIAS (DOT) FULAN MARSU 2018.

Ohin-Dili, 01 Marsu 2018, Ministériu Planu no Finansas (MPF) liuhosi Diresaun Jerál Finansas Estadu hahu distribui utilizaun Dotasaun Orsamentais Temporarias (DOT) fulan Marsu 2018 nian ba liña ministerial, instituisaun estadu no Agencias Autonomia sira bazeia ba artigu 31 husi Lei No. 13/2009 hodi bele implementa ho rigor no transparénsia.

Iha fulan Marsu ne'e total orsamentu ba Dotasaun Orsamental Temporaria (DOT) sa'e oituan pursentu 2 husi total orsamentu hamutuk \$104.6 miloens kompara ho Dotasaun Orsamental Temporaria (DOT) fulan Fevereiro 2018. Kresimentu ne'e relaciona ho kontinuasaun prevé despezas ba actividades eleisaun ne'ebé através prosesu aprovizionamentu, Servisu Legais no Eis Titulares, inklui aumentu ba kustus ba RAEOA-ZEESM, CPLP, Ifraestruturas Rural, pagamentu quotas no re-pagamentu empréstimo.

Informa mós katak durante ne'e alokasaun DOT husi periodu Janeiru to'o Marsu seidak liu Tetu DOT, maske iha kresimentu husi periodu ida ba periodu seluk, maibé nafatin kumpri ba desizaun Konselhu Ministru katak kalkulasaun Dotasaun Orsamental Temporaria (DOT) limita deit ba kategoria ha'at mak hanesan saláriu no vensimentu, bens no servisu, capital dezvoltimentu no transférensia pública;

Ministériu Planu no Finansas (MPF) louva ezekusaun Dotasaun Orsamental Temporaria (DOT) durante periodu rua liu ba lao ho dixiplina no transparénsia. Wainhira kompara entre periodu rua ne'e, nota katak iha fulan Fevereiro hatudu desempeñu diak liu duke fulan Janeiru. Hein katak iha implementasaun DOT tuir mai bele mantein no hatudu desempeñu diak liu periodu rua ne'ebé liu ona.

Ho nune'e husu nafatin atu liña ministerial, instituisaun estadu no Ajensia Autonomia sira prezisa kumpri nafatin prinsípiu sira ne'ebé hatu'ur ona ba implementasaun DOT mak hanesan: *dotasaun orsamental kobre deit despeza ida durante periodu la liu fulan ida no dotasaun orsamental labele liu um doze avos (1/12) husi orsamental ne'ebé defini tiha ona tuir lei Orsamental Jerál Estadu No 13/2016 ne'ebé mak tama EM VIGOR*, haktuir husi artigu 31 husi Lei Orsamentu no Jestaun Finanseira No.13/2009.

Ba informasaun liu tan, favor bele konfirma ho Diresaun Jerl Finansas Estadu liuhosi Diresaun Nasionál Orsament, Ministériu Planu no Finansas.

Remata.